



## Viadi el Tessin

Jeannette Derungs

Suenter treis onns eisi puspei stau pusseivel d'organisar e manar atras il viadi dall'Uniu da dunnas Tujetsch. Tal ha menau nus sonda, ils 3 da settember 2022 cugl auto da posta, menaus dil manischunz Armin Bundi, naven da Sedrun el Tessin.

Uonn havein envidau en tut quels ch'ei stai interessai – dunnas ed umens. Ei ha fatg plascher che nus havein astgau beneventar da 32 personas dus umens en nossas retschas.

Gl'emprem ha il viadi menau nus a Bellinzona, nua che nus havein individual visitau la fiera jamnila cun sias bunas caussas indigenas sco caschiel, carn, legums, stans da magliar, decoraziuns eav.



Suenter in bien gentar ella ustria La Lampara a Bellinzona a nies viadi menau nus a Rivera. Cheu havein dau la pusseivladad da sedecider denter far bogn el Splash & Spa ni ir cun la funiculara sil Monte Tamaro. Tuts ein sedecidi per il Monte Tamaro, nua ch'ins ha saviu far ina spassegiada, beiber enzatgei e star da cumpignia ni visitar la biala baselgia da Santa Maria degli Angeli.



A tuts participonts in **ENGRAZIA FETG** e sin seveser in'otra gada.

Amicabels salids  
**Uniu da dunnas Tujetsch**